

diffinitum, quod quisquis in eo foro, quod vulgo Meinkop dicitur, deprehensus fuerit, ut dictum est, de ceteris emendabit. Sin autem cum virgis, & alias in publico in foro punietur. Item quicumque in falso pondere id est trutina, libra sive ulna, vel etiam modio falso deprehensus fuerit & convictus, ut prædictum est jam, quam sæpius emendabit, salvo tamen per omnia jure nostro. De ortis vero extra civitatem expositis & exponendis dictis Consulibus potestatem dedimus sic & censum. Insuper emendationes domorum, quæ vulgus vorfollere nominat, & eruderationes fontium volumus ut consilio Consulium ordinentur. Quicquid vero alias in dicta civitate nostra ædificandum est, quod bono possit cedere civitatis, firmiter statuimus, ut nostrum fiant hujusmodi per consensum. De lignis vero communitati Civitatis pertinentibus, si præcisa fuerint vel vastata, ipsis Consulibus secundum formam prænotatam commisimus corrigendum. Item laneus textor sive lineus, si cum falsis filis vel pannis deprehensus fuerit, ut prædictum est, emendabit. Et hæc in foro publice comburentur. Cæterum decrevimus, ne
in-